

24.06.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

**Naalakkersuisunut apeqqutit:**

1. Naatsorsuutit akuerineqarnikuni kingulliusoq naapertorlugu, "Tusass A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?
2. Ukiut siulii naatsorsorsinnaasat tamakkerlugit katikkaanni, "Tusass A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

(Inatsisartunut ilaasortaq Pele Broberg, Naleraq)

**Tunngavilersuutit:**

Suliffeqarfiutigit kiisami ammasumik isertuaatsumillu ingerlatsisinnaalerniassammata, ingerlatsivillu inuiaqatigiinnit tamakkiisumik pigineqartoq "Tusass A/S" qanoq annertutigisumik namminersortut soqutigisaannik anguniagallit kattuffiannut "Grønlands Erhverv"-imut aningaasartuuteqartarnersoq paasisinnaalerniassagatsigu, apeqqutit ukua ingerlateqqinneqarput.

Apeqqutigineqartut ullut suliffiusut qulit (10) iluanni allakkatigit akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.



Inatsisartunut ilaasortaq, Pele Broberg, Naleraq  
/Maani

**§ 37 naapertorlugu apeqqummut nr. 2025-76-imut akissut**

Inatsisartut Suleriaasianni § 37, imm. 1 naapertorlugu Sulisitsisunut akiliutit pillugit  
apeqqut Naalakkersuisunut saqqummiuppat.

03-07-2025  
Suliap normua 2025 - 391  
All. normua. 22954854

Apeqputigineqartut tullinnguuttuni akineqarput.

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
Mail: govsec@nanoq.gl  
www.naalakkersuisut.gl

**Apeqput siulleg. Naatsorsuutit akuerineqarnikuni kingulliusoq naapertorlugu,  
"Tusass A/S" ingerlatsiviilu ataaniittut katillugit qanoq annertutigisumik "Grønlands  
Erhverv"- imut aningaasartuuteqarnikuuppat?**

Akissut: Matumani § 37 naapertorlugu apeqqutigineqartut akiniarneranni tassunga  
atugassanik Tusass A/S-imit akissutissanik pissarsiniartoqarsimavoq, imaattunillu  
akissuteqarpoq:

*"Tusass-ip 2024-mi ilaasortatut akiliutigisimasatik 573.376 koruuniusut paasititsipput.  
Tamatumani saniatigut Tusass-ip pikkorissartitsinernut 38.400 kr. atorsimavaat.  
Taamaattumik 2024-mut Sulisitsisunut katillugu 611.776 kr. atorneqarsimapput"*

**Apeqputip aappaa. Ukiut siulii naatsorsorsinnaasat tamakkerlugit katikkaanni, "  
Tusass A/S" ingerlatsiviilu ataaniittut katillugit qanoq annertutigisumik "Grønlands  
Erhverv"- imut aningaasartuuteqarnikuuppat? Uani, naatsorsuuseriaaseq  
naapertorlugu, minnerpaamik ukiut 5 kingulliit katillugit akeqquneqarput.**

Akissut: Matumani § 37 naapertorlugu apeqqutigineqartut akiniarneranni tassunga  
atugassanik Tusass A/S-imit akissutissanik pissarsiniartoqarsimavoq, imaattunillu  
akissuteqarpoq:

*"Tusass-ip piffissami 2020-miit 2024-mut Sulisitsisunut ilaasortaanermut 2.372.532  
koruuninik akiliisimavoq. Tamatumani saniatigut Tusass-ip pikkorissartitsinernut  
katillugu 50.400 kr. atorsimavai"*

Inussiarnersumik Inuulluaqqusillunga

  
Jens Frederik Nielsen